



Inatsisartuni ilaasortaq Anthon Frederiksen, Partii Naleraq

Inatsisartuni ilaasortaq Juliane Henningsen, Inuit Ataqatigiit

Inatsisartuni siulittaasoqarfik

Den 9. februar 2015
Sagsnr. 2015-109784
2015-110396
Dok. Nr. 1854783

Attartortut inissianit najukkaminnit anisitaasartut pillugit § 37 naapertorlugu apeqquteqaammut akissut

Inisseeqqittarneq, anisitsisarneq angerlarsimaffeqanngitsullu pillugit § 37 naapertorlugu apeqquteqaatinut atatillugu Ineqarnermut, Sanaartornermut Attaveqatigiinnermullu Naalakkersuisutut akissuteqaat, 28. januar 2015-imi ullulernerqartut Inatsisartuni ilaasortamut Anthon Frederiksenimut aamma akissuteqaat 3. februar 2015-imi ullulernerqartoq Inatsisartuni ilaasortamut Juliane Henningsenimut nassiuppakka.

Postboks 909
3900 Nuuk
Tlf. (+299) 34 50 00
Fax: (+299) 32 52 86
E-mail: isan@nanoq.gl
www.naalakkersuisut.gl

Apeqqutitut akissuteqarnermut atatillugu pissutsit pillugit paasissutissanik pissarsiniarpunga, taakkulu akissuteqaatinut marluusunut ilanngunneqarput. Tassani ilaatigut allakkap aappaani, Inatsisartuni ilaasortap Anthon Frederiksenip apeqqutaanut nr. 5-imut akissummi ilaatigut allassimavoq:

5. Inigisamiit anisitsinermut aningaasartuutit, allaffissornermut il.il. qanoq amerlatigippat?

A/S Inissiaatileqatigiiffik INI makkuninnga akissuteqarpoq:

” INI-p paasissutissiissutigisinnaavaa attartortut anisinneqarnerat qanoq akeqarnersoq aningaasartaleruminaatsoq. Tamatumunnga pissutaavoq sulisut assigiinngitsumik aningaasarsiaqartuusarnerat, aammalu anisitsinerit amerlassusaat nikerartorujussuullutik. Suliaqarnermi suliasat makkua ilaasarput:

- *INI-p akiliisitsiniartarnermut immikkoortorta qarfiata anisitsinissamut piunasaqaat nassiuttarpaa, isumaginninnermut allaffimmut aamma attartortumut assilinera nassiullugu. Suliaqarnermi tassani sulisoq ataaseq ulloq suliffissaq tamaat sulisariaqarpoq.*
- *INI-p anisitsinissaq sioqqullugu isumaginninnermut allaffik aamma politiit ataatsimeeqatigisarpai. Taamaattoq Sermersooq Kommune tassani peqataajumasimangilaq. Ataatsimiinnermi tassani attartortut anisinneqarnissaminnik utaqquisut allattorsimaffiat sammineqartarpoq. Isumaginninnermut allaffiup INI nalunaarfigisinnaavaa, kommunip attartortoq ikiorniarmagu anisitsinissaq pisariaqanngitsoq...”*



Naqqiut Berigtigelse

Sisimiut den 6.02.-2014

Julianne Henningsen'ip paragraf 37 atorlugu paasiniagaanut tunngatillugu INI'p Ineqarnermut Naalackersuisumut ilisimatitsissutigisimavaa Kommuneqarfik Sermersooq INI'p aaqqissugaanik politiinik ataatsimeeqateqartarneranut peqataasarsimangitsoq.

Paasissutissut taanna eqquutingilaq.

Anisitsinissat sioqqullugit ataatsimiinnernut Kommuneqarfik Sermersooq kommunet allat assigalugit peqataasarsimavoq, soorluttaaq Kommuneqarfik Sermersooq anisitsinissanut tunngatillugu suleqataarusuttarsimallunilu suleqatiginnikkusunnini takutittarsimagaa.

Ajuusaarutigarpullu kikkusumik ilisimatitsisimanerput.

INI har oplyst til Naalackersuisoq for boliger i forbindelse med § 37 spørgsmålet fra Julianne Henningsen, at Kommuneqarfik Sermersooq har afvist at deltage i møder med INI og politiet for udsættelse af lejere.

Denne oplysning er ikke korrekt.

Kommuneqarfik Sermersooq deltager og har altid deltaget på lige fod med de øvrige kommuner ved udsættelsesmøderne, ligesom Kommuneqarfik Sermersooq altid har udvist og udviser samarbejdsvilje om udsættelsessagerne.

Vi beklager naturligvis den forkerte oplysning.

Inussiarnersumik Inuulluaqqusilluta/Med venlig hilsen

Palle Frederiksen

Sullitanut pisortaq/Kundedirektør

AS Inissiatileqatigiiffik INI
AS Boligselskabet INI
Immikkoortortaqarfik Nuuk
Centerkontoret Nuuk
Box 1609
3900 Nuukefon 70 10 00
Fax 32 33 52
E-mail ini@ini.gl
www.ini.gl
CVR reg. nr. A/S 213775
GER reg. nr. 17148087.

INI-mit paasissutissat matuma siuliani allassimasut aamma Inatsisartuni ilaasortamut Juliane Henningsenimut akissummi, 3. februar 2015-imi ullulernerqartumi issuarneqarput.

Sermitsiap suliaq pillugu saqqummiussineranut atatillugu paasitinneqarpunga, anisitsisarnerit pillugit suliani atatillugu kommuni ataatsimiinnernut peqataajumasimanngitsoq INI-mit ilisimatitsissutigineqarmat Kommuneqarfik Sermersuumit eqqumiigineqartoq. Tamanna tunngavigalugu INI suliaq pillugu iluarsiiissummik qinnuigaara.

Iluarsiissuteqartoqarnissaanik qinnuiginninnera tunngavigalugu INI-mit ajuusaarutigineqarpoq, INI paasissutissanik eqqunngitsunik ingerlatitseqqissimammat – INI-mit allagaq ilanngunneqartoq takuuk.

Taamaattumik assut sakkortuumik ajuusaarutigaara, INI-mit paasissutissat eqqunngitsut tunngavigalugit paasissutissanik kukkusunik Inatsisartuni ilaasortanut ingerlatitseqqissimagama.

Inatsisartuni ilaasortamit apeqqutip akineqarneranut atatillugu Naalakkersuisut immikkut ittumik akisussaaffeqarnerat eqqumaffigisorujussuara., Inatsisartuni ilaasortat apeqqutaannut eqqortumik ilumoortumillu akissuteqartarnissaq oqartussaaqatigiinnermi tunngaviusut ilagimmassuk.

Inussiarnersumik inuulluaqqusillunga

Knud Kristiansen

Ilanngussaq: INI-mit allagaq 6. februar 2015 ullulernerqarsimasoq



Inatsisartuni ilaasortaq Anthon Frederiksen, Partii Naleraq

Attartortut inissianit najukkaminnit anisitaasimasut pillugit § 37 naapertorlugu apeqquteqaat

Attartortut inissianit attartukkaminnit anisitaasimasut pillugit apeqquteqaammut nassiunneqartumut qujanaq. Matuma kinguliani apeqqutit saqqummiunneqartut issuarneqarput, akissutitaannik malitseqartinneqarlutik.

Den 22. januar 2015
Sagsnr. 2015-109784
Dok. Nr. 1832673

Postboks 909
3900 Nuuk

Tlf. (+299) 34 50 00

Fax: (+299) 32 52 86

E-mail: isan@nanoq.gl

www.naalakkersuisut.gl

1. Maannakkut inuit ilaqtariilluunniit inigisaminniit anisitaasimasut qanoq amerlatigisut nalunaarsorneqarsimappat?

A/S Inissiaatileqatigiiffik INI aamma Iserit A/S attartortut qanoq amerlatigisut maannarpiaq inissianit attartukkaminnit anisitaasimasutut nalunaarsorneqarsimanersut pillugit paasissutisseeqqullugit qinnuigineqarput.

Iserit A/S imatut akissuteqarpoq:

"2006-imiit 2014-imut inuit/ilaqtariit 194-it anisitaasimapput. Taakku sumiiffinnut imatut agguarneqarput: Nuuk: 90-it, Paamiut 33-t, Tasiilaq 58-it aamma Ittoqqortoormiit 13-it.

Anisitsinernut peqquataasut: Suliani tamani akilinngitsuukkanik akiitsoqarneq."

A/S Inissiaatileqatigiiffik INI-mit akissut pissarsiarineqariaruni ingerlateqqinneqassaaq.

2. Maannakkut inuit ilaqtariilluunniit inigisaminniit anisitaasussatut nalunaarsorneqarsimasut qanoq amerlatigippat?

A/S Inissiaatileqatigiiffik INI aamma Iserit A/S attartortut maannarpiaq inissianit attartukkaminnit anisitaanissaannik suliat qanoq amerlatigisut politiinut nassiunneqarsimanersut pillugit paasissutisseeqqullugit qinnuigineqarput.

Iserit A/S imatut akissuteqarpoq:

"Inuit/ ilaqtariit 26-t. Taakku sumiiffinnut imatut agguarneqarput: Nuuk: 14-it, Paamiut marluk, Tasiilaq tallimat aamma Ittoqqortoormiit tallimat.

Anisitsinernut peqquataasut (naatsorsuutigineqartut): Suliani tamani akilinngitsuukkanik akiitsoqarneq."

A/S Inissiaatileqatigiiffik INI-mit akissut pissarsiarineqariaruni ingerlateqqinneqassaaq.

3. Inuit ilaqtariillu inigisaminnut anisitaasernerat pinngitsoortinniarlugu naalackersuisut qanoq iliuseqarnissamik pilersaaruteqarpat?

Attartortut illumi torersaarnissamut maleruagassanik unioqquitsisernerat (soorlu aserorterinikkut nipiliornikkulluunniit) imaluunniit piffissami sivisunerusumi ineqarnermut akiligassanik akiliinngitsoortarnerat anisitsinernik kinguneqartinneqartarput. Taamaattumik anisitsinerni inissianik attartortitsinermut Inatsisartut peqqussutaat malinneqartarpoq. Anisitsinissat sioqqullugit attartortut pisortanit ikiorserneqarnissamut pisinnaatitaanersut pillugu kommunit tusarniaaffigineqartarput. Akiitsullit pisortanit ikiorserneqarsinnaatinnatik, akilersuinissamut assigisaannulluunniit isumaqatigissuteqarfigineqarsimatillutik attartukkaminnit anisinneqartarput, taamaalillutillu angerlarsimaffeeruttarlutik. Angerlarsimaffeqanngitsut ajornartorsiotaanerannut Naalackersuisut isumaqataapput. Tamanna inuiaqatigiinni unammilligassat ilungersunarneraasa iliuseqarfigineqartariaqartut ilagaat. Ilisimatitsissutigisinnaavara qanittukkut Nuummi inisseeqqittarfissaq atulersussaamat. Taanna piffissami aalajangersimasumi ingerlareerpat, aaqqissuussineq illoqarfinnut allanut siaruarneqassanersoq takuniarlugu tassani misilittakkat naliliiffigineqassapput.

4. Inigisamut akiliutit ilaqtariit isertitaanni naapertuunnerusut pilersinneqarsinnaaneri naalackersuisuniit eqqarsaatigineqarsinnaappat?

Attartortup inoqutaani isertitat tunngavigalugit ineqarnermut akiliuteqartitsisarnissaq ajornakusoorpoq. Taamaattumik ineqarnermut akiliutinik naatsorsuisarnerup allannngortinneqarnissaannik, taamaalillunilu siunissami inoqutigii isertitaannut naleqqussarneqarnissaannik pilersaaruteqartoqanngilaq. Akerlianik Naalackersuisut pisortanit tapiissutit arlallit, ilaatigullu ineqarnermut tapiissuteqartarnerup aaqqissuteqqinneqarnissaannik saqqummiussinissaq siunertarlugu, taamaalillunilu siunnerfeqarnerusumik tunniussisarnissaq, tamatumalu peqatigisaanik sulilernissamut aningaasaqarnikkut kajuminnerulernissaq qulakkeerniarlugu periarfissanik misissuipput.

5. Inigisamiit anisitsinermut aningaasartuutit, allaffissornermut il.il. qanoq amerlatigippat?

A/S Inissiaatileqatigiiffik INI aamma Iserit A/S attartortunik anisitsinermut atatillugu inissiaatileqatigiiffiit marluusut qanoq amerlatigisunik aningaasartuuteqartarnerusut pillugu paasissutisseeqqullugit qinnuigineqarput.

Iserit imatut akissuteqarpoq:

"Suliamut ataatsimut aningaasartuutit 1.800 koruunit missaannut missiliorneqarput."

A/S Inissiaatileqatigiiffik INI-mit akissut pissarsiarineqariaruni ingerlateqqinneqassaaq.

Neriuppunga matuma siuliani apeqqutit naammaginantumik akissuteqarfigisimassallugit.

Inussiarnersumik inuulluaqqusillunga

Knud Kristiansen



Inatsisartunut ilaasortaq Anthon Frederiksen, Partii Naleraq

Den 28. januar 2015
Sagsnr. 2015-109784
Dok. Nr.1840457

Postboks 909
3900 Nuuk
Tlf. (+299) 34 50 00
Fax: (+299) 32 52 86
E-mail: isan@nanoq.gl
www.naalakkersuisut.gl

Attartortut inigisaminnit anisinneqartartut pillugu § 37 naapertorlugu apeqquteqaammut akissuteqaat

Anisitsisarnernut tunngatillugu apeqqutinut qaqqinneqartunut atatillugu, siusinnerusukkut akissuteqaateqartoqarpoq, taamaattoq apeqqutinut 1-imut, 2-imut aamma 5-imut A/S Inissiaatileqatigiiffik INI-mit paasissutissat ilaanatik. Neriorsuutigineqartut A/S Inissiaatileqatigiiffik INI-p paasissutissat ugartorneqartut saqqummiutereermagit, matumuuna apeqqutinut qaqqinneqartunut akissuteqaatit saqqummiuppakka. Matuma kinguliani apeqqutit 1, 2 aamma 5 qaqqinneqartut issuarneqarput, A/S Inissiaatileqatigiiffik INI-mit akissutit tulliullutik.

1. Maannakkut inuit ilaqtariilluunniit inigisaminniit anisitaasimasut qanoq amerlatigisut nalunaarsorneqarsimappat?

A/S Inissiaatileqatigiiffik INI makkuninnga akissuteqarpoq:

"INI-p paasissutissiissutigisinnaavaa 2014-imi attartortut 139-it (inuit aamma ilaqtariit) akilinnigitsuukkanik akiitsoqarneq pissutigalugu inigisaminnit anisinneqarsimasut, aammalu attartortut tallimat ileqqorissaarnissamut malittarisassanik unioqqutitsineq pissutigalugu inigisaminnit anisinneqarsimasut. Kisitsisini kommunip aamma Namminersorlutik Oqartussat inissiaataanni attartortut ilaapput, attartortunik inissiani Illuut-mit pigineqartuni najugalinnik anisitsisoqarsimanani.

Sumiiffinnut agguarlugit kisitsisit imatut isikkoqarput:

Akilinnigitsuukkanik akiitsoqarneq pissutigalugu anisitsinerit:

Nanortalik:	12	
Qaqortoq:	23	
Narsaq:	12	
Paamiut:	29	
Nuuk:		10
Maniitsoq:	24	
Sisimiut:	5	

Kangaatsiaq:	0
Aasiaat:	7
Qasigiannguut:	3
Ilulissat:	6
Qeqertarsuaq:	1
Uummannaq:	0
Upernavik:	0
Tasiilaq:	0
Qaanaaq:	0
Ittoqqortoormiit:	7

Ileqqorissaarnissamut malittarisassat tunngavigalugit anisitsinerit:

Sisimiut:	4
Aasiaat:	1. “

2. Maannakkut inuit ilaqutariilluunniit inigisaminniit anisitaasussatut nalunaarsorneqarsimasut qanoq amerlatigippat?

A/S Inissiaatileqatigiiffik INI makkuninnga akissuteqarpoq:

”INI-ip paasissutissiissutigisinnaavaa attartortut 398-it akilinngitsuukkanik akiitsoqarnek pissutigalugu anisitaanissaq maannakkorpiaq utaqqimmassuk. Kisitsisini pineqarput attartortut 394-it inissiani kommunimit aamma Namminersorlutik Oqartussanit pigineqartuni najugaqartut aammalu attartortut sisamat Illuutip inissiaataanni najugaqartut.

Sumiiffinnut agguarlugit kisitsisit imatut isikkoqarput:

Nanortalik:	18
Qaqortoq:	42
Narsaq:	89
Paamiut:	8
Nuuk:	46 (Namminersorlutik Oqartussat) 4 (Illuut)
Maniitsoq:	39
Sisimiut:	28
Kangaatsiaq:	13
Aasiaat:	39
Qasigiannguut:	4
Ilulissat:	48
Qeqertarsuaq:	1
Uummannaq:	1
Upernavik:	6
Qaanaaq:	10
Tasiilaq:	2
Ittoqqortoormiit:	0

Maannakkut attartortunik akilinngitsuukkanik akiitsoqarnermit allaanerusumik pissuteqartumik anisitaanissamik utaqqisunik soqanngilaq.”

5. Inigisamiit anisitsinermut aningaasartuutit, allaffissornermut il.il. qanoq amerlatigippat?

A/S Inissiaatileqatigiiffik INI makkuninnga akissuteqarpoq:

”INI-p paasissutissiissutigisinnaavaa attartortut anisinneqarnerat qanoq akeqarnersoq aningaasartaleruminaatsoq. Tamatumunnga pissutaavoq sulisut assigiinngitsumik

aningaasarsiaqartuusarnerat, aammalu anisitsinerit amerlassusaat nikerartorujussuullutik. Suliaqarnermi suliassat makkua ilaasarput:

- INIp akiliisitsiniartarnermut immikkoortorta qarfiata anisitsinissamut piunasaqaat nassiuttarpaa, isumaginninnermut allaffimmut aamma attartortumut assilinera nassiullugu. Suliaqarnermi tassani sulisoq ataaseq ulloq suliffissaq tamaat sulisariaqarpoq.
- INI-p anisitsinissaq sioqqullugu isumaginninnermut allaffik aamma politiit ataatsimeeqatigisarpai. Taamaattoq Sermersooq Kommune tassani peqataajumasimangilaq. Ataatsimiinnermi tassani attartortut anisinnegarnissaminnik utaaqisut allattorsimaffiat sammineqartarpoq. Isumaginninnermut allaffiup INI nalunaarfigisinnaavaa, kommunip attartortoq ikiorniarmagu anisitsinissaq pisariaqanngitsoq. Suliaqarneq taanna najukkami sulisumut ullup suliffissap affaanik sivissuseqartarpoq.
- Attartortoq amerlanertigut akiitsuminik akiliinissaq oqallisiginiarlugu, akiliisitsiniartarnermut immikkoortorta qarfimmuut imaluunniit najukkami INIp allaffianut saaffiginnittarpoq. Suliaqarneq taanna saaffiginninnermi ataatsimi nalunaaquttap akunnerata affaanik sivissuseqartarpoq.
- Akiliineq pinngitsoorpat INIp najukkami allaffia anisitsineri peqataasussaavoq, tamannalu sulisut marluutillugit pigajuttarpoq, illuutitut atorfilik matuersaaserfimmik taarsisussa q aammalu allaffimmioq. Anisitsineq nalunaaquttap akunnerata ataatsip missaani sivissuseqartarpoq.
- Attartortoq tamatuminnga piunasaqarpat, inissiami inisseeqqiffiusartumi inissaqartinneqassaaq aammalu pequtit toqqorsivimmiitinneqassallutik. Suliaqarneq taanna allaffimmiut nalunaaquttap akunnerata affaata missaanik sivissuseqartarpoq, inspektørimut/ illuutitut atorfilimmut nalunaaquttap akunnerata affaanik sivissuseqartarluni.
- Qaammatit pingasut qaangiunneranni inissiaq inisseeqqiffiusoq pigisat qimatat peerlugit imaarneqassaaq. Pequtit aaneqarsimangitsut aamma iginneqassapput. Taakkua katillugit nalunaaquttap akunnerisa marluk missaani sivissuseqartarput.”

Neriuppunga matumuuna ataatsimoortumik apeqqutit naammattumik paasinarsisissimassallugit.

Inussiarnersumik inuulluaqqusillunga

Knud Kristiansen